

Է. Լ. ԴԱՆԻԵԼՅԱՆ

Սերեոսը, Կոստաս II-ի (641—668 թթ.) գահակալության հինգերորդ տարում (546 թ.) տեղի ունեցած դեպքերի մասին պատմելիս բերում է մի տեղեկություն, որը վերաբերում է բյուզանդա-մարական հարաբերություններին։ Նա գրում է, որ կայսրը «արձակեաց ի Հայոս այր ոմն իշխան, անուն Քումա»։ Սա եկեալ ոչ կամէր եղծանել զուխան, որ ի մէջ կայսեր և իշխանին Մարաց... և խաւսեցաւ ընդ նմա ի խաղաղութիւն։ Եւ առ ի նմանէ ինչս բաղումս և խոստաճաւ նմա երդմամբ, զի տացէ տաւել զԹէոդորոս կապանաւք ի պաղատն, զի նա էր իշխան աշխարհիս Հայոց»։ Սերեոսը այնուհետև պատմում է Թեոդորոս Ռշտունու ձերբակալման և դրան հաջորդած իրադարձությունների մասին։

Լեոն ճիշտ է մեկնաբանում Սերեոսին. նա իրավացիորեն գրում է. «Հայաստան է դալիս Թումա անունով մի սլաշտոնյա, որ հանձնարարություն ունէր, ի միջի այլոց, և բանակցություն վառելու Մարաց իշխաններից մեկի հետ, որ Ատրպատականի սահմանների վրա էր ասյրում»²։ Որոշ հետազոտողներ զուցում են, որ խոսքը արաբների հետ կնքված հաշտության մասին է³։ Սակայն նման կարծիքը, հակասելով աղբյուրի հաղորդմանը, հնարավորություն չի տալիս ճիշտ բացատրելու խնդրո առարկա ժամանակաշրջանի Հայաստանի քաղաքական վիճակի և բյուզանդա-մարական հարաբերությունների ուսումնասիրության հետ կապված հարցերը։

Սերեոսը իր երկի այլ գլուխներում նույնպես պատմում է մարերի, նրանց դեպքերում տարածքի, ինչպես նաև նրանց իշխանի մասին։ Այնպես որ, ոչ մի հիմք չկա մարերին վերաբերող տեղեկությունները վերապրել արարներին։ Ըստ Սերեոսի, Ատրպատականի իշխանները VII դարի 30-ական թթ. և 40-ական թթ. սկզբին հաջորդաբար եղել են հոռոխ Որմիզը (Քիշիան Մեծ Ատրպատականի աշխարհի), նրա որդին՝ Ռոստոմը (Քիշիան ի կողմանս Ատրպատականի), որը գլխավորել էր «զաւր աշխարհին Մարաց» և, ըստ երևույթին, հոռոխազատը, որին Ատրպատական նահանջած պարսկական զորքի մնացորդները Ռոստոմի սպանվելուց հետո իրենց զորավար էին քնտրել⁴։

Խալիֆայության հարվածների տակ Ատրպատականի զգալի մասը նվաճվեց մոտ 643 թ.։ Սակայն երկրի մնացած մասը, ըստ արաբ պատմիչների (Տարարի, Իբն ալ-Ասիր), իր ամրացվածության շնորհիվ խալիֆայության տիրապետությունից զուրս էր մնացել⁵։ Ամենայն հավանականությամբ, խոսքը

1 Պատմություն Սերեոսի, աշխատասիրությամբ Գ. Վ. Արզաբազյանի. Երևան, 1979, էջ 143—144.

2 Լեոն, Հայոց պատմություն. հ. II, Երևան, 1947, էջ 317.

3 Ն. Մելիք-Բախշյանը գտնում է, որ Թուման խաղաղության դաշն կնքեց Պարսկաստանում գտնվող արաբների հետ (Ս. Մ. Մելիք-Բախշյան, Հայաստանը VII—IX դարերում. Երևան, 1968, էջ 57)։ Ա. Տեր-Ղևորդյանը կարծում է, որ Թուման զինված արարների առաջնորդին (նախնարար Մուսավիան) և նրա հետ խաղաղություն կնքեց (Ա. Ս. Գեորգիյան, Армения и Арабский халифат. Ереван, 1977, с. 31).

4 Սերեոս, էջ 132, 137.

5 Արաբացի մատենագրերը Հայաստանի մասին, հավաքեց և թարգմանեց Ի. Խալաթյանը. Վիեննա, 1919, էջ 82։ Արաբական արքյուրներ, Ի. Իբն ալ-Ասիր, թարգմ. բնագրից, առաջարկ և ծանոթագրություններ Ա. Տեր-Ղևորդյանի. Երևան, 1981, էջ 47—48.

«Մարաց ամուր աշխարհի»⁶ տարածքի մասին է, որը, ըստ Սեբեոսի, դեռևս չէր նվաճվել իսլամացության կողմից:

«Մարաց իշխանին» Սեբեոսը կրկին հիշատակում է հետագա դեպքերի կապակցությամբ: Պատմիչը գրում է, որ «Մարաց իշխանը» ապստամբելով «ի Էֆդի մի ամրացաւ, և խնդոնաց երդումն լիսմայելացոցն», և դնաց յանապատն ի ծառայութիւն Իսմայելացոցն»⁷: Իր երկի ԾԱ գլխում կրկին հիշատակելով «Մարաց ամուր աշխարհը» («Ապստամբեցան (VII դարի 50-ական թթ. առաջին կեսին—է. Դ.) Մարք ի ծառայութենէն Իսմայելի և սոյանին զիշխանն հարկատուհանդին արքային Իսմայելի, ապաւէն և թիկունս իւրեանց արարին դամուրս աշխարհին Մարաց, զանտառս խորածորս, զվիհս, զվիմոտս, և զխորածորս զմեղակս՝ որ զգետովն Գաղայ և զլեռամբն Մարաց, զծիր և զբաջ աղագն զաւրութիւնս, որ բնակեալ էին ի նոսա, Գելն և Դելումն»), Սեբեոսը, բնականաբար, «Մարերի իշխանին» ալլա չի հիշատակում, քանի որ վերջինս, պարսութիւնով արաբներից, ղնաց նրանց մոտ ծառայելու, ինչպես տեղեկացրեց պատմիչը եւ՝ գլխում: Հետաքրքիր է, որ նշված հատվածում բերված պատմա-աշխարհագրական տեղեկությունները որոշ չափով համապատասխանում են Անանիա Շիրակացու (610—685 թթ.) երկում պահպանված հետևյալ Էֆդիկութիւններին: «Պտղոմէոս զՄարս յեկից [եւ ի հարաւոյ] Կասբից [ծովուն] ասէ լեւելի: և զոտ ասնն ընդ մի իշխանութեամբ, եւ ոչ ուրեք գտանին Մարք-րայց Պտղոմէոս ասէ զաշխարհս սոցա՝ Կասբ, Քաղուշ, Գելք, Դիլումք. և Ռէ և Ահմատան քաղաքք են Մարաց»⁸: Իհարկե, ըստ Պտղոմէոսի (83—161 թթ.) տվյալների, որոնք հետագայում բերում է Անանիա Շիրակացին, մարերի գրադեցրած տարածքը շատ ավելի ընդարձակ է եղել, քան ըստ Սեբեոսի հայտնի ման: Եվ այդ բնական էր, քանի որ նրանցից յուրաքանչյուրը իր դարա-շրջանին համապատասխանող տվյալներ էր հաղորդում:

Ս. Կանյանցը, հետադուսելով հայկական աղբյուրների (Կորյուն, Ագա-թանգեղոս, Փավստոս Բուզանդ, Մովսես Խորենացի, Սեբեոս և այլ) հաղորդումները, եկել է այն եզրակացության, որ «Մարաց ամուր երկիրն... Ասորականից արեմուտք էր, Ուրմիոյ ծովից ոչ շատ հեռու, հայկազոն դեպի արեմուտք, Կորդուբից և Մահկերտունից դեպի արևելք»⁹: Սեբեոսի մի հաղորդման («Թաղատորեցոյց Արշակ զորդի իւր զԱրշակ Փոքր կոչեցևալ ի վերայ աշխարհիս Հալոց ի Մծբին քաղաքի: Եւ դատուցանէ նմա սահմանս զԱրուստատն առ Երկրան Տաճկաց և առ Երկրան Ասորոց, և զԿապուտկեայ առ Կիւղիկեայ, մինչև ցեղո ծովուն մեծի Արեմտից. և յհիսիսոյ կողմանէ ի լեւոն մեծ Կովկաս, ոտ ձգի ընդ կողմանս արեւելից և անցանէ առ սահմանսն առ ամուր աշխարհան Մարաց, և հասանէ ի լեւոն Զարասպ, և անցանէ առ նոր Շիրակ Երկրան»)՝¹⁰ հիման վրա Ս. Կանյանցը եկել է հետևյալ ուշադրով եզրակացության. «Մարաց աշխարհը Զարասպից էլ արեւելք պիտի տարածված լիներ»¹¹: Եթե հիշենք նաև Սեբեոսի մի այլ հաղորդումը Հերակլ կայսեր (610—

6 Վ. Վարդանյանը գրում է, որ Թուման կարողացավ Ատրպատականի տիրոջը գրգռել Բեռդորոսի դեմ 641 թ. (տե՛ս Վ. Վարդանյան. Վասպուրականը VII դարի երկրորդ կեսին.— «Պատմա-բանասիրական հանդես», 1974, № 2, էջ 114—115): Նշված դեպքերը տեղի են ունեցել ոչ թե 641 թ., այլ 646 թ.: Ուստի հետազոտողը վրիպում է աղբյուրի նշված հաղորդումները քննելիս:

7 Սեբեոս, էջ 164: Նույն տեղում պատմիչի կողմից արված «և իշխանն Մարաց, զորմէ վերագոյն ասացի...» նշումը տարակուսանք է առաջացրել հետազոտողների մոտ, այնինչ խոսքը այն նույն «Մարաց իշխանի» մասին է, որին Սեբեոսը հիշատակեց իր երկի ԽԴ գլխում Թումայի վարած բանակցությունների կապակցությամբ:

8 Ս. Ս. Երեմյան. Հայաստանը ըստ «Աշխարհացոյցի». Երևան, 1963, էջ 115:

9 Ս. Կանյանց. Անհայտ գավառներ. էջմիածին (Վաղարշապատ), 1914, էջ 92:

10 Սեբեոս, էջ 53—54:

11 Ս. Կանյանց. Նշվ. աշխ., էջ 107:

Ճ41 թթ.) Ատրպատականով անցած և այնուհետև վերադարձին վերաբերող երթուղիների մասին (ադառնալ առ ամուր աշխարհուն Մարազ. գայ հասան է ի Փայտակարան»¹²), ապա վերոբերյալ նյութերի հիման վրա կարելի է եղրակացնել, որ խնդրո առարկա ժամանակաշրջանում «Մարաց ամուր աշխարհը» իր մեջ ընդգրկում էր Ատրպատականի ծայրամասային՝ լեռնային, դժվարամատչելի շրջանները և ներկայացնում էր իրանական մի քանի ցեղերի միավորում:

Հայաստանի հանդեպ Բյուզանդական կայսրության վարած քաղաքականությունը իր էությունը մնացել էր նվաճողական նաև այն ժամանակաշրջանում, երբ արևելյան մի նվաճողին՝ սասանյան Պարսկաստանին հարավից եկավ փոխարինելու մյուսը՝ Արաբական խալիֆայությունը: Սասանյանների լուսավորության փլուզման պայմաններում Ատրպատականը, իսկ այնուհետև՝ «Մարաց իշխանությունը» բավականին ինքնուրույն էին դարձել:

VII դարի 30-ական թթ. սկզբներին Սմբատ (Խոսրով-Շում) Բագրատունու որդին՝ Վարազդիտոցը, իսկ 40-ական թթ.՝ Հայոց իշխան Թեոդորոս Ռելտունին, վարելով անկախ քաղաքականություն, բախվեցին կայսրության և Ատրպատականի, այնուհետև՝ «Մարաց իշխանության» կատարյալ դիմադրությանը: Վարազդիտոցին հալածեցին բյուզանդական զորավար Մժեթ Գնունին և Աստղատականի իշխաններ Խոռոխ Որմիզդը և Ռոստոմը¹³: Կայսրության նվաճողական քաղաքականությունից էր բխում Մժեթ Գնունու համագործակցությունը ատրպատականյան իշխանների հետ և այնուհետև զուգահեռ, որ ի մեջ կայսեր և իշխանին Մարաց», որը Թուման «ոչ կամ էր եղծանելու: Կարելի է տեսնել, որ պատկերը կրկնվում էր, միայն այն տարբերությամբ, որ Վարազդիտոցը ճարահատյալ՝ Հայաստանից հեռացավ կայսրություն¹⁴, իսկ Ռոստոմը Ռելտունին ձերբակալվեց և տարվեց Կոստանդնուպոլիս: Կայսեր թվացող անտեղյակությունը Թեոդորոս Ռելտունու ձերբակալության կապակցությամբ կարող էր միայն խորամանկ դիվանագիտական քայլ լինել: Թեոդորոս Ռելտունուն արդարացնելը, ռոճիկ և «ընդունելութիւն յարքունուստ» կարգելը, իսկ այնուհետև նրան «զնուն իշխանութիւն դարաւարութեան» տալով, մեծ պատվով Հայաստան ուղարկելը¹⁵ հետապնդում էին մի նպատակ՝ Հայաստանը պահել որպես մի կախյալ երկիր՝ կայսրության քաղաքական ոլորտում: Սակայն միջազգային փոփոխված իրավիճակում, երբ նվաճումների նախաձեռնությունը խալիֆայության կողմն էր, կայսրությունը Հայաստանում, բացի քաղաքական խառնաշփոթ ստեղծելուց, իր համար շոշափելի արդյունքի չհասավ: Թվում է, թե Բյուզանդական կայսրության և «Մարաց իշխանություն» միջև եղած դաշինքը, օբյեկտիվորեն, պետք է ուղղվեր իր նվաճումներն ընդլայնող խալիֆայության դեմ, սակայն ընդհակառակը՝ այն ուղղվեց արարական նվաճումներին դիմադրող Հայաստանի դեմ: Խալիֆայության առաջխաղացմամբ ի չիք էին դառնում բյուզանդա-մարական քաղաքական մեքենությունները Հայաստանի հանդեպ: Մի ժամանակաշրջանում, երբ անհրաժեշտ էր համախմբել ուժերը դիմակայելու համար հարավից և արևելքից եկող նվաճումների մահացու յոթանգին, Բյուզանդական կայսրությունը, դարեր շարունակ, ջանք ու եռանդ չխնայեց խափանելու Հայաստանի երկու մասերի վերամիավորման և հայկական կենտրոնացված պետության վերականգնման գործը:

¹² Ս Լ Բ Լ Ե Ս, էջ 125:

¹³ Նույն տեղում, էջ 132:

¹⁴ Նույն տեղում:

¹⁵ Նույն տեղում, էջ 145:

АРМЯНО-ВИЗАНТИЙСКИЕ ОТНОШЕНИЯ
И «КНЯЗЬ МАРОВ» В 646 г.

Э. Л. ДАНИЕЛЯН

(Резюме)

Сообщения Себеоса показывают, что византийско-атрпатаканское сотрудничество, по содержанию антиармянское, начавшееся в 30-х гг. VII в., было продолжено заключением в 646 г. византийско-марского договора, в результате чего византийский чиновник Фома в том же году, по всей вероятности—с ведома императора Константа II (641—668 гг.), при активном попустительстве «князя маров» арестовал иш-хана Армении Теодороса Рштуни и отправил в Константинополь. Однако через некоторое время Теодорос вернулся на родину; между тем империя стремилась удерживать Армению в сфере своего влияния.

Лео правильно полагал, что «князь маров» жил «на рубежах» Атрпатакана (Атропатены). С. Т. Мелик-Бахсян, А. Н. Тер-Гевондян и другие ученые придерживаются мнения, что Фома вел переговоры с арабами. Такое мнение затушевывает правильное освещение истории взаимоотношений между Арменией, Византийской империей и Атрпатаканом, а затем княжеством маров. Известная из армянских источников «крепкая страна маров» в исследуемый период включала в себя окраинные труднодоступные, горные области Атрпатакана, населенные иранскими племенами, в том числе марами (в древности мидийцы). Большая часть Атрпатакана была завоевана арабами около 643 г. Другая часть, согласно арабским историкам (Табари, Ибн ал-Аспр), вследствие своей укрепленности осталась неподвластной халифату. Арабские историки, по всей вероятности, имели в виду территорию «крепкой страны маров», которая по Себеосу до середины VII в. не была завоевана халифатом.